

Mbete kí njèkungì joo kí Pol ndàngì adi  
**Tesaloniki-je**

**Ta-je** kí do mbete-tì kí njèkungì joo kí Pol ndàngì  
 adi Tesaloniki-je

Kaglo dəə n̄a go mbete-tì liə kí dɔsɔy kin al ya Pol ndàngì mbete kí njèkungì joo kin adi njékadmɛɛ-je kí Tesaloniki. Ɛ isì ɓebo Kɔrɛnti-tì ya ɓəy, ɓá njékadmɛɛ-je kí Tesaloniki lé kàrè, d'isì d'ulə kəm-dé ndoo kdɔtalə kadmɛɛ lə-dé ya ɓəy rəm. Beɓa ɛ ndàngì mbete adi-dé kɔɔ tɔji-dé-né né-je kí to tó-é al kí tò tagìr-tì, kì panjiyə dow-je madi-je-tì kí dan-dé-tì.

Lo kɔr-é-tì kí 1 lé, Pol ra oiyo kɔɔ Tesaloniki-je lé, dan kulə kəm ndoo-tì ya kàrè, dɛ d'ɔw kì kete-kete mɛɛ kadmɛɛ-tì lə-dé rəm, mɛɛ ndigì dow-je-tì rəm. Ngà ɛ ree oo kí dow-je madi 'tulə-dé nati mɛɛ néndó-je-tì kí ngɔm kí sɔbi do təl ree lə 'Babe. Gin-é kin ɓá, lo kɔr-é-tì kí 2 lé, ɛ ndó-dé ta kí tɔgrɔ-tì panè: 'Babe təl ree al ɓəy, rəm ɓá tò kadi né-je madi à ra né kete n̄ɔ ndo ree-é-tì. Lo kɔr-é-tì kí 3 lé, ɛ ndó-dé kí njékadmɛɛ-je kí panjiyə-dé tò jugi-jugi lé, kadi d'oo kəmtondoo lə-dé al. Mbete kin tɔji ndigì kí ɛ ndigì Tesaloniki-je titì kí tò-né mɛɛ mbete-tì liə kí dɔsɔy kí adi-dé kin ya tɔ.

Tɔji rɔ kì lapiya kí ra

<sup>1</sup> †M̄a Pol, j'isì nati kì Silbɛ-je\* kì Timote ɓá m'ndàngì mbete kin m'adi-si s̄əi njékəwn̄a-je kí ɓebo Tesaloniki-tì kí 'nami kàdì Bɔbi-ji Lubə-tì rəm, 'nami kàdì 'Babe Jeju

† 1:1 1:1 Knj 17:1 \* 1:1 1:1 Silbɛ lé ya to Silasi (Knj 15:22; 2Kɔ 1:19)

Kristi-ti rəm. <sup>2</sup> Kadi Bɔbi-ji Lubə də kɪ 'Baʔe Jeju Kristi d'adi ramaji kɪ lapiya lə-dé nà̃y sə-si.

*Ta kɪ gangi kɪ ndo təl Jeju-ti*

*1Te 1:2-7; Plp 1:3-6,27-30; Mat 13:40-43; 25:31-46*

<sup>3</sup> Səi ngankɔ-m-je kɪ njékadmɛɛ, tɔ kadi j'ra oiyo Lubə taá-taá kɔɔ ta lə-si, ə to tó-é kadi j'ra bə, kɔɔtalə kadmɛɛ lə-si kɪ ɔw kɪ kete-kete n̄a rəm, ʔá ndign̄a kɪ dan-si-ti lay kàrè ɪ̃ dɔ madi-é-ti kɪ kete-kete rəm tɔ.

<sup>4</sup> Bəy ʔá dan njékəwn̄a-je-ti kɪ gay-gay kɪ 'to njékəwn̄a-je lə Lubə lé, səi ya ʔá jɛ j'ɔsi-né gajɪ rɔ-ji, kɔɔ kuwə rɔ nḡa lə-si, kɪ kadmɛɛ lə-si dan né-je-ti lay ya kɪ to kulə kəm-n̄a ndoo-je, kɪ kɔ̃-je kɪ tɛɛ dɔ-si-ti. <sup>5</sup> Né kin ʔá tɔji ta kɪ gangi kɪ njururu lə Lubə, kɔɔ kadi asi gaki kadi ooi kɔ̃bɛ liə kɪ ingəi-né kɔ̃ lé ya. <sup>6</sup> Kɔɔtalə Lubə oo adi to né kɪ njururu kadi n'adi kɔ̃ dow-je kɪ njékadi-si kɔ̃ kin tɔ. <sup>7</sup> ə səi kɪ d'adi-si kɔ̃ lé, loki 'Baʔe Jeju à kɪ dɔr̄a-ti kɔɔ ree nati kɪ malayka-je liə kɪ njétɔgi-je lé, Lubə à kadi 'taai koo nati sə-ji. <sup>8</sup> Jeju à ree dan ndɔ pər-ti kɪ ɔ̃ bilim-bilim, kɔɔ kadi kɔ̃ dow-je kɪ njégə Lubə al, kɪ dow-je kɪ njémbati təl rɔ-dé go Poyta kɪ Maji-ti lə 'Baʔe lə-ji Jeju. <sup>9</sup> Dowbé-je kinlé né kɪ to kɪ à ra-dé lé, to tujɪ kɪ sartagangi kɪ à tɛɛ dɔ-dé-ti ngərəngi takəm 'Baʔe-ti, kɪ riʔa liə kɪ n̄a. <sup>10</sup> Ndo-é-ti kinlé, loki ɛ̃ à ree kɔɔ kadi njékaa njay-je liə d'ɔsi gajɪ-é ə kadi dow-je lay kɪ d'a kadi-é mɛɛ-dé d'oo kurə-é lé, səi kàrè a kajɪ dan-dé-ti tɔ; kɔɔtalə səi 'ndigi dɔ ta-je-ti kɪ sɔbi dɔ-é kɪ j'idə-si lé.

<sup>11</sup> Gin-é kin ʔá j'isi j'pa-né ta kɪ Lubə taá-taá kɔɔ ta lə-si, kɔɔ kadi Lubə lə-ji adi panjiyə-si tuwə panjiyə dow-je kɪ 'ndigi ta ʔa-ti liə rəm, kadi adi tɔgi-é ra sə-si dɔ kɔjra-je-ti kɪ maji-maji lay kɪ tɔ mɛɛ-si-ti rəm, ʔá dɔ kullə kadmɛɛ-ti lə-si rəm tɔ. <sup>12</sup> Bə kɔɔ kadi kɪ takul

ramaji læ Lubə læ-ji kɪ læ 'Babe Jeju Kristi lé, ri 'Babe læ-ji Jeju ingə-né kɔsgaji dan-si-ti rəm, b́a kadi səi kàrè ingəi-né kɔsgaji rɔ-é-ti rəm tɔ.

## 2

*Né kɪ* à ra né kete ǹə ndɔ təl Jeju-ti

<sup>1</sup> †Səi ngankɔ-m-je kɪ njékadmɛɛ, ta kɪ sɔbi dɔ ree læ 'Babe læ-ji Jeju Kristi kɪ à ree, kɪ kəw kɪ j'a kəwi-nə rɔ-é-ti lé, j'dəji-si <sup>2</sup> kadi kinə dow idə-si panè ndɔ læ 'Babe lé ree ngá kàrè adi ta kin təl dɔ-si kalangi bè al rəm, adi gangi singə-si al rəm tɔ. Kdɔ dow à kɪ panè ndil tɛɛ kɪ dɔ ta kɪ tò lo bɔyɔrɔ-ti adi n'oo, əse n'oo ta madi əse n'ingə mbete madi kɪ j rɔ-ji-ti. <sup>3</sup> Adi dow ədi-si al kɪ kədi al ya bè; kdɔtalə dow-je d'a mbatɪ Lubə rəm, ǹəmajal kɪ njèkilə kuji dɔ Lubə-ti al, à tɛɛ kɔy kadi d'oo-é b̄əy b́a ndɔ kin à ree b̄əy. <sup>4</sup> E lé to njèba, njèba rɔ-é dow kɪ boy ngay dɔ né-je-ti lay kɪ dow-je d'oo d'adi to Lubə, kɪ né-je lay kɪ dow-je 'pole; ɛ à kɔw mbing kisi mɛɛ kəy-ti læ Lubə kdɔ panè n'è ya n'to Lubə.

<sup>5</sup> Ndɔkɪ m'isi-né sə-si nati, b́a m'idə-si ta-je kinlé, mɛɛ-si ole dɔ-ti ya al wa?

<sup>6</sup> Ngà kɪ ngɔsnè kinlé, né kɪ uwə-é kɪ gogɪ kdɔ kadi ngəbɪ dɔkaglo liə tá ree lé, səi 'gəi gɔw. <sup>7</sup> Kdɔtalə njəmbati Lubə lé, tógi-é kɪ tò lo bɔyɔ-é-ti rəmə isi ra kullə ngá; ngà ǹəy kadi né kɪ uwə-é kɪ gogɪ lé ya goto b́a ɛ à tɔji rɔ-é ndaa-ti rəsi b̄əy. <sup>8</sup> Njəmbati Lubə lé à ree ə 'Babe Jeju à tɔl-é kɪ koo kɪ ta-é-ti, à tujɪ-é puku-puku ndɔ ree-é-ti kɪ à tò ndaa-ti rəsi.

<sup>9</sup> †Ndɔ ree læ njəmbati Lubə lé, Satə à ra né mbəli-je, kɪ nékɔji-je, kɪ né-je kɪ tò b̄əl-b̄əl kɪ to né kədi dow-je, <sup>10</sup> à ra né-je kɪ majɪ al kɪ gay-gay lay kdɔ kədi-né dɛ kɪ

d'a tuji; kɔtələ ta kí tɔgrɔ-ti kí à kaji-dé lé ya nəl-dé al adi 'mbati. <sup>11</sup> Gin-é kin bá, Lubə ulə k̀i né kí à kur-dé, wale kɔ kadɪ ra-dé adi d'oo takədi ki ta kí tɔgrɔ-ti. <sup>12</sup> Bè kɔ kadɪ dow-je lay kí 'mbati ta kí tɔgrɔ-ti ə né ra kí njururu al bá nəl-dé kinlé, 'gangi-né ta dɔ-dé-ti.

*Ta kí dɔ kə dingəm mɛɛ kadmɛɛ-ti*

*1Pi 1:2-9*

<sup>13</sup> Səi ngankɔ-m-je kí njékadmɛɛ, kí 'toi dow-je kí 'Babe ində-si dan kəm-é-ti kinlé, tò kadɪ j'ra oiyo Lubə taá-taá kɔ ta lə-si, kɔ ɛ mbəti-si lo kində gin né-je-ti kadɪ aji k̀i takul Ndil kí aa njay kí təl-si dow-je-ti kí d'aa njay rəm, bá k̀i takul ndigi kí səi 'ndigi dɔ ta-ti kí tɔgrɔ-ti kin rəm tɔ. <sup>14</sup> Né kin bá Lubə ba-si-né k̀i kəm rəbi Poyta kí Maji kí j'ilə mbɛ-é j'adi-si, kɔ kadɪ ingəi-né ri ba lə 'Babe lə-ji Jeju Kristi. <sup>15</sup> Gin-é kin bá səi ngankɔ-m-je kí njékadmɛɛ lé, ɔi dɔ nja-si-ti njangi ə né-je kí j'ndó-si k̀i ta-ji əse ɛ kí j'ndangi mbete-ti bá j'adi-si kinlé uwəi njarara. <sup>16</sup> Kadɪ 'Babe lə-ji Jeju Kristi ya k̀i dɔ-é dɛ k̀i Bəbi-ji Lubə kí njəndigi-ji, njəkadi-ji nékində mɛɛ dɔ-ti kí maji rəm, njəsɔl mɛɛ-ji sɔl kí sartagangi kí go ramaji-ti liə lé, <sup>17</sup> dɛ ya 'sɔl mɛɛ-si ə 'mbusi nja-si mɛɛ kullə-je-ti lay əse mɛɛ ta-je-ti kí maji-maji lay rəm tɔ.

### 3

*Kullə dingəm mɛɛ-na-ti kɔ pa ta k̀i Lubə*

*Rɔm 15:30-32*

<sup>1</sup> Bəba səi ngankɔ-m-je kí njékadmɛɛ, 'pai ta k̀i Lubə kɔ ta lə-ji, kɔ kadɪ ta lə 'Babe ɔw-né kəm-é k̀i kete-kete rəm, bá kadɪ dow-je 'piti titi kí 'piti-né dan-si-ti kin bə; <sup>2</sup> rəm 'pai ta k̀i Lubə kɔ kadɪ taa-ji ji dow-je-ti kí maji al kí to njémɛɛndul-je, kɔ dow-je lay bá 'to njékadmɛɛ-je al. <sup>3</sup> Ngà 'Babe kí to njəkə dɔ ndi-é-ti lé,

à mbusi nja-si rəm, bá à ngəm-si ta Njèmɛɛndul-ti rəm tɔ. <sup>4</sup> 'Babe adi j'gə maji kɪ né-je kɪ j'un ndu dɔ-ti j'adi-si kinlé, isi 'rai rəm, bá a rai par-par rəm tɔ. <sup>5</sup> Kadɪ 'Babe ra kullə mɛɛ-si-ti adi 'ndigi Lubə rəm, kadɪ uwəi rɔ-si ngə titi Kristi bè rəm tɔ.

### Ta kɪ dɔ ra kullə-ti

<sup>6</sup> Səi ngankɔ-m-je kɪ njəkadmɛɛ, j'un ndu j'adi-si kɪ ri 'Babe lə-ji Jeju Kristi, kadɪ njəkadmɛɛ kɪ panjiyə-é tɔ jugi-jugi, bi uwə ta-na kɪ néndó kɪ ingəi rɔ-ji-ti kin al lé, ɔri rɔ-si kɔgi rɔ-é-ti. <sup>7</sup> Né kɪ a rai kɔ ndaji-né kullə ra-ji lé, səi 'gəi maji. Jɛ lé panjiyə-ji kɪ dan-si-ti tɔ jugi-jugi al. <sup>8</sup> Jɛ j'uso né lə dow kare al, ngə j'ra kullə j'ɔɔ rɔgi-rɔgi, j'a ta-ti ndɔɔ-je kɪ kada-je, kɔ kadɪ j'ɔy dow dan-si-ti al. <sup>9</sup> To tó-é kadɪ ooi go-ji ya, ngə jɛ j'ra bè kɔ j'ndigi kadɪ jɛ ya j'təl néndaji kadɪ 'ndaji. <sup>10</sup> Kɔ lokɪ j'isi rɔ-si-ti lé, ndɔki j'un ndu j'adi-si j'panè: Kinə dow ndigi ra kullə al lé, kadɪ-é uso né al tɔ bane! <sup>11</sup> Ngə jɛ j'oo poy dow-je madi dan-si-ti kɪ panjiyə-dé tɔ jugi-jugi, dɛ 'ra kullə al kɔ kɔw kilə go né-je-ti kɪ kare. <sup>12</sup> Dow-je kɪ tanə bè kinlé, kɪ ri 'Babe Jeju Kristi j'dəji-dé rəm, j'un ndu j'adi-dé kadɪ d'ore kəm-dé go kullə-ti ya 'ra kɪ mɛɛ kusi nangɪ kɔ kadɪ d'ingə-né nékuso-dé kɪ sɔbi dɔ-dé. <sup>13</sup> Ngə səi ngankɔ-m-je kɪ njəkadmɛɛ rəmə, adi dabi ra-si dɔ ramaji-ti al.

<sup>14</sup> Kinə dow madi mbati koo ta-je kɪ j'ndangi j'adi-si kin rəmə ooi-é maji ə ɔri rɔ-si kɔgi rɔ-é-ti kadɪ rɔ-é sɔl-é. <sup>15</sup> Ngə koo bá ooi-é kɪ njəba lə-si al, ngə 'ndangi-é titi ngonkɔ-si bè.

### Tɔrɔndi dɔ-ti kɪ lapiya kɪ ra

<sup>16</sup> Kadì 'Babe k̀ njèlapiya ya adi-si lapiya k̀ kəm rəbi-je lay rəm, bá k̀ dɔkaglo-je lay rəm tɔ! Kadì 'Babe nà y sə-si lay.

<sup>17</sup> Ta-je kí m̃a Pol ya m'ndàngi k̀ ji-m ðan: M'ra-si lapiya. Ji-m kí m'ində mbete-je-ti lə-m lay ðan; néndàngi lə-m ya tɔ ɔ̀ tìn. <sup>18</sup> Kadì ramaji lə 'Babe lə-ji Jeju Kristi nà y sə-si lay.

Ta lə Lubə Kunmindī kī Sigi

Mango: Ta lə Lubə Kunmindī kī Sigi (New Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 28 May 2022

96bdbd07-24d6-556c-9e7c-7269c72880cd